

# Ina marca da giubileum per la Viafier dal Bernina

■ (anr/ld) La Posta undrescha l'anniversari da tschient onns «Viafier dal Bernina» e da la «Funiculara dal Niesen» cun marcas spezialas. Heidi ornescha ina marca europeica. Las novas marcas valan davent dals 6 da matg 2010. Duas enconuschentas viafiers alpinas pon festivar quest onn lur tschientavel anniversari. La Viafier dal Bernina che maina da San Murezzan sur il Pass dal Bernia fin a Tirano en l'Italia. La Viafier dal Bernina traversa trais regiuns linguisticas: rumantsch, tudestg e talian. Ella maina tras cuntradas fitg differentas cun naiv e glatschers al clima miaviel da Tirano cun sias palmas. Dapi l'onn 2008 fa part la Viafier dal

Bernina ensem cun la lingia da l'Alvra dal Patrimoni cultural mundial da l'Unesco. Dapi l'onn 1910 curescha la Funiculara dal Niesen – er ina viafier dals superlativs – da Mülenen sin il conuscent munt Niesen en la Surselva bernaisa.

La marca speziala d'in franc per l'Europa è dedicada al renumà cudesch da Heidi. Heidi, la figura dal roman da Johanna Spyri, è conuscenta sin tut il mund, ella fa part da nosa identitad. Quest onn èsi tschient onns dapi la mort dad Albert Anker. Cun il purtret «Berner Schulbube» (1875) sin ina marca speziala onurescha La Posta la lavur dal conuscent pictur bernais.

## Emissiun da marcas postalas 2/2010

- «Giubileum da las viafiers»; marcas spezialas da 85 rp e d'in franc.
- «Cudesch d'uffants Heidi»; marca speziala d'Europa d'in franc.
- «100 onns dapi la mort d'Albert Anker»; marca speziala 85 rp.
- «100 onns 'Kunsthau» Turitg»; marca speziala d'in franc.
- «Pro Patria – panorama da Murten»;

- marcas da 85 rp (+ 40) e d'in franc (+50).
- «Mund dal circus Genevra 2010»; marca speziala d'1.40 francs.
- «200 onns Societad svizra d'utilitad publica»; marca speziala d'in franc.
- «250avel anniversari da Johann Peter Hebel»; marca speziala 85 rp.



La Viafier dal Bernina vegn undrada cun ina marca postala.